

Infra actionem.

(A.) Hanc igitur oblationem, quam tibi pro commemoratione animarum in pace dormientium sup-

pliciter immolamus, quæsumus, Domine, benignus accipias, et tua pietate concedas ut et nobis proficiat hujus pietatis affectus, et illis impetret beatitudinem sempiternam.

GRIMALDI ET TATTONIS

AD REGINBERTUM,

Magistrum Scholæ monasterii sancti Galli,

EPISTOLA.

(Apud Baluz., Capitul. tom. II, col. 1382)

Præstantissimo et ineffabili dilectione nominando REGINBERTO præceptori GRIMALDUS TATTOQUE supremi auditorum vestrorum discipuli sempiternæ felicitatis salutem.

Memoria dilectionis vestræ animis nostris sæculo inhærens immemores petitionum vestrarum promissionumque nostrarum esse non permittit. Et utinam tam proficenter quam spontaneæ piæ voluntatem vestram implere valuissimus. Ecce vobis Regulam beati Benedicti egregii doctoris, quam benevolus animus vester summo semper optaverat desiderio, direximus, sensibus et syllabis, necnon etiam litteris a suprascripto Patre, ni fallimur, ordinatis minime carentem; quæ de illo transcripta est exemplare quod ex ipso exemplatum est codice, quem beatus Pater sacris manibus suis exarare ob multorum sani-

tatem animarum curavit. Illa ergo verba quæ suprascriptus Pater secundum artem, sicut nonnulli autumant, in contextu Regulæ hujus non inseruit, de aliis Regulis a modernis correctis magistris collectimus, et in campo paginulæ e regione cum duobus punctis inserere curavimus. Alia etiam quæ a Benedicto dictata sunt, et in neotericis minime inventa, obelo et punctis duobus consignavimus. Hoc egimus desiderantes vos utrumque et secundum traditionem pii Patris, etiam modernam habere. Eligite vobis quod desiderabili placterit animo. Valet in Domino.

Salve flos juvenum, forma speciosus amœna, Optatam retinendo viam vitamque salubrem. Ecce tui humiles famuli tibi munera mittunt, Quæ animus dudum vester optavit habere. Omnipotens genitor, cunctum qui continet orbem, Te regat et servet semper ubique sanum.

ANNO DOMINI DCCCLXXII.

MILO MONACHUS SANCTI AMANDI.

NOTITIA HISTORICA.

(Apud Fabricium, Bibliotheca med. et inf. Lat.)

Milo, Monachus S. Amandi, sive Amandopolitanus, C ad fluvium Elnonem, in Belgio, in diœcesi Tornacensi, ord. Bened., scientia litterarum clarus circa an. 840 et deinceps usque ad 871, quo diem obiit. Scripsit adhuc juvenis *Vitam S. Amandi*, Trajectensis episcopi, defuncti A. C. 684, versibus hexametris (c Vita quam prosario sermone Baudemundus composuerat) ad Haiminum, monachum Vedastinum, libris quatuor. Edidit Henschenius in Actis Sanctor., tom. I Febr., pag. 873-888 cum notis; et Mabillonius sæc. II Act. Sanctor. Bened. pag. 719 seq. Incipit præmissa elegia:

(a) De quo hic agitur sermo, seu potius encomium legitur sub nomine Sidonii Apollinaris inter epistolas

Festa propinquabant nostri veneranda Patroni.

Liber I:

Arbiter omnipotens hominum reramque creator.

Sermonem de translatione corporis S. Amandi, ejusque ordinatione et dedicatione templi in Actis Sanctor., t. I Febr., pag. 889-891, et alterum de elevatione corporis S. Amandi, p. 891-893, et in Operibus Philippi Havdengi, Paris. et Duaci 1621 fol.

Sermonem de S. Principio, fratre B. Remigii Rhemensis, episcopo an. 506 defuncto Suessionensi, editum a Surio 27 Septembris (a).

ejusdem. Vide Patrologiæ tom. LVIII, col. 612. Edit.